

# Nunatta Qitornai

## Inatsisartuni



13.oktober 2020

UKA2020/188/184/186/29

**Kalaallit Nunaanni Eqqartuussisarnermik inatsisip inatsisillu allat assigiinngitsut allangortin-neqarnissaannut inatsisissatut siunnersummut missingiut pillugu (Politiit pillugit aaqqissusseqqinnermik, politiinik naammagittaalliuutiginnissinnaanermik aaqqissuussinermik pilersitsinermik il.il. naammassinninneq) Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.**

(Isumaginninnermut, Ilaqtariinnut Inatsisinillu Atuutsitsinermut Naalakkersuisoq)

Politeeqarneq aammalu unnerluussisussaatitaanermi suliassaqarfik uani pineqartoq tamakkiisumik danskinit oqartussaaffigineqarpoq.

Ukiorpassuanngortuni justitsministeriaqarfimmit politeeqarfiiit pillugit allangorsaasarnerminni politiillu pillugit isumaqatigiissuteqartarnerminni nunarput ilanngullugu aaliangiiffigineqartanngilaq, tassa politikreditsitut allatuulli isigineqarani. Kingullermik politiit pillugit folketingimi isumaqatigiissuteqartoqarmat politi kreditsitut isigineqarnata allanguuteqarfingineqartussanngorfinni pitsanngorsaaffigineqartussanngorfinnullu ilaatinneqanngilagut. Erseqqissumik politikkikkut immik-koortitsinertut taajumavarput, akuersaerneqarsinnaanngitsoq. Taamatut isiorneq innuttaasut naalagaaffiup iluani allat ajornerusunik atugaqarnissaannik oqarneruvoq.

Maanna allatuulli kreditsitut inisisimalernissamut suliniarneq ilassilluarparput. Illassilluarparputtaaq politiit sulinerannut naammangittaalliorsinnaanissamut periarfissamik pilersitsinarneq. Unnerluussisussaatitaasut kisimik akineqaratik inisisimasarnerat illuatungeqarneratigut innuttaasut inatsisitigut illersorneqarnerat nukittorsarneqassaaq aammalu naapertuilluarnissamik suliniarneq nukittorsarneqassalluni.

Ilanngullugu pinnngitsoorumanngilanga inatsisinik atuutsitsineq pillugu suliniarneq naalakkersuisunit nukittorsarneqartariaqartoq, maannami malinnaanikkut naalakkeruisoqarfimmit suliarineqarfiani inuttatigut suliniarneq annertuutut taaneqarsinnaanngimmat. Innuttaasut inatsisitigut illersorneqarnerata danskisullu qaffasitsigisumik inisisimasariaqarneranik danskit naalakkersuisut anguniagaqarput tamannalu timitalersinniarlugu ilungersuutissaqarpugut amerlasuunik.

Folketingimi naalakkersuisoqarfimmi immikkortortaqarfimmik atlantikumi inatsisitigut suliassaqarfimmik pilersitsisimaneq atorluarlugu nunatsinni innuttaasut inatsisitigut illersorneqarsinnaanerusumik inisisimanissaat angujumallugu sulineq atorluarneqassaaq, maannalu piffissanngorpoq timitaliiniarnermi nukiit atussallugit.

# Nunatta Qitornai

## Inatsisartuni



Politiit atugaasa aammalu malittarisassat atugassaasa erseqqissaavigineqarniarnerat ilassilluarnarpoq, tamannalu maannakkut politimesteriusup taaguuteqarnermigut malitsigisai takusinnaavavut. Akulerussinnaanermut, qaqgukkullu ileqqoreqqusat allannguiffinginarneqarnersut erseqqissaavigineqartussanngornerat iluarisimaarnarpoq.

Issatsinnguaq nunatsinnit folketingimut ilaasortaatitatta aappaata oqalugiarnermini eqqaavaa nunatsinnigooq unnerluunneqartut inatsisinik apeqqusernartunik imaluunniit eqqartuussisut ilisimasakippallaartut peqquaallutik unnerluunneqartut apeqqusernartumik nalorninartumillu unnerluunneqartartut. Taamatut oqarneq imaannaangilluinnartuuvoq unnerluunneqartut inatsisit gut illersorneqanngitsutut nipeqartinneqartoq. Naalakkersuisut isumaqarpal nunatsinni eqqartuussisut ilisimasakippallaartumik tunngaveqartumik eqqartuussisartut? Nalunaarusiamik imaluunniit allatigut takussutissaqarnerpoq nunarput sinnerlugu taamatut oqarsimaneq naalakkersuisutigut tunuliaqtserneqarsimanersoq isumaqataaffigineqarnersorlu piffissaq manna iluatsillugu apeqqutigiumavara.

Eqqartuussiveqarneq pillugu ataatsimiitialiarsuarmit inassuteqarfigineqartut tunngavigalugit eqqartuussisunngorniarneq piulerpoq tamassumalu nassataraa unnerluussisussaatitaanermi illersuisussaqarnerlu kisiat nukitorsarnagu eqqartuussisut ilinniartinneqartarnerata qulakkeermagu innuttaasut inatsisit gut illersorneqarnerulernerat. Naalakkersuisut isumaat naapertorlugu tamanna angusaq naammassineqarsimannitsoq? Illersuisoqarnikkut unnerluunneqartussaasut tunuliaqtaqalernerat innuttaasut inatsisit gut illersorneqarneranik isigineqassaaq. Ukiuni kingullerni politeeqarnikkut unnerluussisussaatitaasut inatsisilerituunik sulisoqarnissamik siunnerfeqartillugit isumaqarpugut illersuisut ilinniartinneqarnerat aamma nukitorsagassat ilagilluinnaraat, taamaasiornikkut illuatungeriinneq naapertuilluarfiunerusoq innuttaasut inatsisit gut illersorneqarneraniittooq.

Nunatsinni politiit sulinerat aammalu danskit politiit Danmarkimi sulinerat assigiinngitsuuvoq taa-maattumik assigiittut nalilerneqarsinnaanngilaq.

Siullertut politiivut kalaallit danskinut sanilliullugu akissarsiatiqut assigiinngisinneqarput, aappaattut nunatsinni politiit danskinut politiinut suleqatiminntut sanilliullugu suliassaqarfiit amerlanerupput,. Civilsager tigummisarai aammalu tilkalderneqarnerit, aggersarneqarnerit allatigullu suliat danskinut sanilliullugit sakkortuujupput amerlallutillu. Politiivut amerlasuutigut orniguffimminnut ornigtarnermikkut tigusarisassartik ilaatiqut eqqarlerisinnaasarpaat, ikinngutertik, meeraaqatertik, nunaqqatertik allatigulluunniit ilisarisimasartik. Politiitut professionalimik suliniarnerminni nukiit danskinut allanut sanilliullugit allarluinnaat atortarpaat. Tamanna ukkatarineqanngippallaarpoq. Inuttut artukkiutit amerlavallaarnerini suliamut nukissaalatsiartorneq piusarpoq, taamaaratar-

# Nunatta Qitornai

## Inatsisartuni



sinnaavorlu peqqutaasoq ullumikkut politeerpassuit ilinniarsimasut suliaminnik qimatsisimaneranik. Imaajarsinnaanermut neqeroorutaaginnaristik aqquaartariaqartakkatut isigineqassasut isumaqarpugut.

Nunatsinni ikiaroornartup akiorniarnerani sulineq annertuseriarterujussuarneqartariaqartoq isumaqarpugut. Ikiaroornartumik naaggaaruinnarpugut. Akiuinarnermut narko enhed ukiuni politiini annikillineqarsimasoq annertusisariaqarneranut saaffiginneqqusineq taperserparput.

Ilanngullugu isumaqarpugut naalakersuisut peqqusariaqarivut aningaasanut inatsikkut akitsuuse-  
risutta ikiaroornartunut naamasinnaasunik qimmeqarnerulernissamik sulisoqaqqullugu.

Siunnersuutigineqartut inatsisinut ataatsimiititalimut innersuuppavut.